

**Aalisarnej pillugu Inatsisartut inatsisaata allanngortinneqarneranik Inatsisartut inatsisaat nr. 12, 6. november 1997-imeersaq**

**§ 1**

Aalisarnej pillugu Inatsisartut inatsisaanni nr. 18, 31. oktober 1996-imeersumi makku allanngortinneqarput:

**1. § 27-imi imm. 2, 3, 4, 5 aamma imm. 6-itut ilanngunneqassapput:**

" Imm. 2. Kalaallit Nunaanni Aalisarsinnaanermut Akuersissutini Nakkutilliisoqarfik pisussaavoq akuersissutini, inatsit tunngavigalugu tunniunneqartuni, piumasaqaatit malinneqarnerat nakkutigissallugu.

Imm. 3. Piniarnermut aalisarnermullu nakkutilliisut inuillu allat naalackersuisunit taamaaliornissamut piginnaatitaasut toqqarneqartullu angallatinut aalisarnermut aalisakkanillu assartuineranut atorneqartunut ikisinnaatitaapput tassungalu atatillugu pisarineqarsimasunik kiisalu aalisarnermut atortunik misissuisinnaatitaallutik.

Imm. 4. Piniarnermut aalisarnermullu nakkutilliisut inuillu allat naalackersuisunit taamaaliornissamut piginnaatitaasut toqqarneqartullu piumasaqarsinnaapput inuk aalisarsinnaatitaanersoq atuuttumik kinaassutsimut uppersaammik takutitseqqullugu.

Imm. 5. Piginnaatitaaffiit imm. 3 aamma 4-mi taaneqartut siumut eqqartuussiviit akuersiseqqaarnagit ingerlanneqarsinnaapput pissusissamisoortumik kinaassutsimut uppersaammik takutitsinikkut.

Imm. 6. Naalackersuisut imm. 3 aamma 4 malillugit aalisarsinnaanermut akuersissutini nakkutilliisut, piniarnermut aalisarnermullu nakkutilliisut imaluunniit inuit immikkut piginnaaffilerneqartut pisinnaatitaaffiit suliaannullu erseqqinnerusunik maleruagassanik aalaj angersaasinnaapput. Inatsimmi aalaj angersakkat inatsillu malillugu maleruagassaliarineqartut malinneqarnerannut suliaassat nakkutilliinennik ilaqassappata suliaassat aalajangersarneqassapput naalagaaffimmi oqartussaasut oqaloqatigeqqaarlugit.

**2. § 28-imi imm. 2-tut ilanngunneqassaaq:**

" Imm. 2. Aalisarnermik nakkutilliisut politiillu piginnaatitaaffii eqqartuussiviit akuersiseqqaarnagit ingerlanneqarsinnaapput."

**§ 2**

Inatsisartut inatsisaat atuutilerpoq ulloq 1. december 1997.

*Namminersornerullutik Oqartussat, 6. november 1997.*

Jonathan Motzfeldt

/

Pâviâraq Heilmann